



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1846

MCCXIV. König Sigismund ertheilt den Markgrafen Jobst und Procop von
Mähren die Zusicherung, daß sie die Mark Brandenburg mit der
Churwürde als unmittelbares Reichslehn erblich erhalten, falls die ...

Nutzungsbedingungen

[urn:nbn:de:hbz:466:1-56104](https://nbn-resolving.org/urn:nbn:de:hbz:466:1-56104)

Etiam consentientes expresse ut castra ville et opida pignore sub suis conditionibus obligata per steuram seu petitionem in dicta Marchia per nos imponendam redimi debeant et a detentorum manibus liberari sine dolo et fraude, patris nostris Marchionibus predictis suffragantibus ad predicta et prestare debentibus opem et operam efficaces. In casu autem quo dicta steura seu petitio intervenientibus impedimentis suum non fortiretur effectum, ut nostra sperata tenet credulitas, et ipsi Marchiones aliqua impignorata redemerint vel ultra steuram de suis proprijs pro eorum redemptione exposuerint, hujusmodi pecunia in sortem principalis debiti debet computari. Et quoniam dicta Marchia hostium et potentum interdum turbatur incursibus, volumus et consentimus ut si dicti Marchiones expensas fecerint pro propulsandis iniurijs et violentijs repellendis eosque ob hoc dampnificari contigerit, dampna huiusmodi que rationabiliter demonstrare poterint similiter in sortem capitalis pecunie debeant accumulari et etiam aggregari cum principali debito supra descripto et specificato integre persolvenda. Omnes et singulas literas super quibuscunque debitis ante tempus datarum presentium emanatas et prefatis Marchionibus patris nostris datas nullius fore volumus roboris vel momenti. In cujus rei testimonium presentes literas nostras sigillo nostre maiestatis autentico iussimus communiri. Datum in Sempte, feria Sexta proxima ante festum Sancte Trinitatis, Anno Domini Millefimo Trecentesimo Octogesimo octavo.

Von dem hochwürdigem Priester Herrn Wolny in Brün handschriftlich mitgetheilt mit der Bemerkung: Ex transumpta copia Archivi Monasterii O. S. B. Raigradii. Collatum Originale quondam asservabatur in Archivio DD. Procerum Moraviae sub Nr. 67, nunc desideratur.

MCCXIV. König Sigismund ertheilt den Markgrafen Jobst und Procop von Mähren die Zusicherung, daß sie die Mark Brandenburg mit der Churwürde als unmittelbares Reichslehn erblich erhalten, falls die Auslösung nicht innerhalb einer Zeit von 5 Jahren erfolgt,
am 22. Mai 1388.

Sigismundus, Dei gratia Hungarie, Dalmatie, Croatiae, Rame, Servie, Galicie, Lodomerie, Comanie Bulgarieque Rex ac Marchio Brandenburgensis, Sacri Romani Imperij Archicamerarius, nec non Boemie et Lucemburgensis heres. Tenore presentium notum facimus universis, Cum nos Marchiam nostram Brandenburgensem pro redemptione et recuperatione Terrarum, quas Illustres principes Domini Jodocus et Procopius, Marchiones Moraviae, Patris nostri carissimi in Regno nostro hungarie virtute literarum nostrarum obligatarum tenere dinoscebantur, nomine et titulo formalis et veri pignoris obligavimus ad quinque annorum spatium continue revolvendum, hac tamen conditione adjecta, quod in casum quo dictam Marchiam per nos redimi non contingeret, vel de eorum manibus infra dictum spatium minime liberari, quod elapso quinque annorum spatio ad Jus et proprietatem prefatorum Marchionum libere venire deberet ipso facto, secundum quod in litteris nostris de et super hujusmodi impignoratione confectis latius est expressum, volentes tamen prefatis Marchioni-

bus Patruis nostris etiam providere de futuris promittimus, spondemus et pollicemur, quod ex tunc in ipsos Marchiones, heredes et succesores eorum, dictam Marchiam cum omnibus juribus, dignitatibus et pertinentijs quibuscunque transferre debeamus, et virtute presentium ex nunc prout ex tunc transferrimus transfundimus et transmittimus in eosdem Nihil nobis Jurisdictionis vel dominij reservando, etiam quoad Electionis vocem atque expresse renuntiamus pro nobis et successoribus nostris nec volumus nec intendimus ex tunc uti frui vel potiri aliquibus usibus Insignijs vel Cerimonijs ad proprietatem Marchionatus pertinentibus quovis ingenio vel colore, Rogantes et requirentes Serenissimum principem et Dominum Dominum Wenceslaum Romanorum et Boemie Regem vel qui erit pro tempore Regem Romanorum, ut post lapsum prefati temporis nos a dicte Marchie fevdo libere absolvat, et memoratis Marchionibus Moravie dictam Marchiam Brandenburgensem, ad nostram hujusmodi Renunciationem, quam pro sufficienti habere volumus incorporet, et cum solemnitatibus solitis infevdet, eosque investiat de universis Juribus et pertinentijs ejus, quovis titulo spectantibus ad (sic) Nulla nostra voluntate, renuntiatione vel mandato ulterius expectatis, ratum gratum et firmum perpetue habituri quidquid per prefatum dominum Regem, vel qui erit pro tempore, circa Infeudationis Jura Factum fuerit vel ordinatum. In cujus rei testimonium Sigillum nostrum autenticum, de nostra certa Scientia presentibus est appensum, Datum in Schintavia, Feria sexta proxima ante festum Sancte et individue Trinitatis, Anno Domini Millesimo Trecentesimo octogesimo octavo.

Ebendaßer von Wolny mitgetheilt.

MCCXV. Markgraf Johann von Brandenburg genehmigt die Verpfändung der Mark Brandenburg, mit Ausnahme seines Antheils, welche König Sigismund an Jobst und Procop von Mähren vorgenommen hat, am 3. Juni 1388.

Johannes Dei gracia marchio Brandenburgensis et Lusacie et dux Gorlicensis Notum facimus tenore presencium vniversis, Quod cum Serenissimus princeps dominus Sigismundus Rex Vngarie Dalmacie etc. frater noster carissimus Illustribus principibus Jodoco et Procopio Marchionibus Moravie patruis nostris carissimis Marchiam Brandemburgensem cum suis vniuersis pertinencijs excepta nostra porcione, que per Serenissimum principem et dominum Karolum Romanorum Imperatorem et Boemie Regem diue memorie nostrum Genitorem prout in Litteris eiusdem continetur nobis facta existit, pro certa summa et quantitate pecunie ad quinque annorum spacium continue revolvendum obligasset sub hujusmodi condicione et casu, quo dictam Marchiam infra dictum spacium de prefatorum Marchionum manibus non redimeret cum effectu, quod tunc elapso dicto quinquennio ad ius et hereditariam proprietatem eorundem Marchionum venire et cadere deberet ipso facto, prout hec eadem obligacio cum suis condicionibus in literis eiusdem domini Regis desuper confectis sufficientius expressatur. Nos igitur ordinationem obligationem et hereditariam deuo-